

BIZTANLERIA JARDUERAREN ARABERA SAILKATZEKO INKESTA (BJA), 2010eko 2. HIRUHILEKOA

Lanean dagoen biztanle kopurua %0,9 igo da eta langabezia tasa %9,1ekoa izan da 2010eko bigarren hiruhilekoan, Euskal AEn

Hiruhileko honetan 8.400 lanpostu garbi berreskuratu dira

Eustaten datuen arabera, 2010eko bigarren hiruhilekoan Euskal AEko lan-merkatuan 951.000 landun izan dira; hau da, aurreko hiruhilekoaren aldean 8.400 landun gehiago izan da (+%0,9). Bestalde, Euskal AEko langabezia tasa %9,1ekoa izan da, 2010eko lehen hiruhilekoaren aldean ehuneko 0,2 puntu altuagoa.

Landunen eta langabetuen bilakaera aztertuta, aktibotasun tasa %56,1ekoa izan da 2010eko bigarren hiruhilekoan (aurreko hiruhilekoan baino 6 hamarren altuagoa), pertsona ez-aktiboak lan-merkatuan sartu direlako familiaren lan egoera zalantzazkoa zela ikusita, besteak beste. Izan ere, 10.900 pertsona ez-aktibo gutxiago izan da hiruhileko honetan.

Okupazioaren gehikuntzak batez ere emakumeengan izan du eragina: aurreko hiruhilekoan baino 5.500 emakume eta 2.800 gizon gehiago egon dira lanean. Okupazioak hiru lurraldeetan egin du gora: batez ere Gipuzkoan, 5.400 enplegu garbi gehiagorekin, gero Bizkaian 1.600 gehiagorekin eta azkenik Araban 1.400 enplegu garbi gehiagorekin.

Industrian eta zerbitzuen sektorean lanpostuak berreskuratu dira, baina nekazaritza eta eraikuntza sektoreetan lanpostuak galdu dira

Industrian 5.900 enplegu garbi gehiago izan dira, eta zerbitzuen sektorean 4.600 gehiago. Hala ere, nekazaritza sailean 1.300 enplegu gutxiago izan dira eta eraikuntzan 800 gutxiago.


Enplegu tasa (hau da, 16 eta 64 urte arteko pertsona guztiak kontuan hartuta landunak direnen ehunekoa) %65,3 izan da, aurreko hiruhilekoan baino ehuneko 0,7 puntu altuagoa alegia. Gizonezkoen kasuan tasa hori %71,5 izan da eta emakumezkoen kasuan %59,0.

Lurralde historikoetan, enplegu tasarik altuena Gipuzkoan eman da (%67,8), aurreko hiruhilekoaren aldean 1,6 puntu altuagoa; gero bigarren tasarik altuena Arabak izan du (%66,0), bederatzi hamarren altuagoa; eta azkenik Bizkaiak tasarik txikiena izan du (%63,7), azken hiruhilekoan bi hamarren altuagoa.

Lan-kontratu mugagabeko 3.900 soldatapeko gutxiago izan da, horrela guztira 610.400 izan dira; aldi baterako kontratua duten soldatapekoak (kontraturik ez dutenak barne) 13.000 gehiago izan dira, beraz, guztira 177.000 izan dira.

Zenbatespenen arabera, 2010eko bigarren hiruhilekoan gutxi gorabehera Euskal AEko 835.900 etxetan bizi diren pertsonen herenak ez dira aktiboak izan (aurreko hiruhilekoan baino 1.200 gehiago). Hamar familiatik ia seitan etxeko pertsona aktibo denek izan dute lana, datu horren arabera aurreko hiruhilekoan baino 2.100 familia gutxiagotan gertatzen da hori; gainera, pertsona aktibo denak langabezian dituzten 28.000 familia izan dira (guztirakoaren %3,3), hau da, aurreko hiruhilekoan baino 100 gehiago.

Biztanleria landunaren joera, 1985etik. Euskal AE. (Milakotan)



Iturria: Eustat. BJA

Langabezia tasa % 8,9tik % 9,1era igo da

Urteko bigarren hiruhileko honetan, Euskal AEn langabetu kopurua 95.000 izan dela zenbatetsi da, aurreko hiruhilekoan baino 3.200 gehiago. Lan bila ari diren, lana bilatzeko kudeaketa aktiboak egiten dituzten eta lanerako prest dauden pertsonak jotzen dira langabetutzat. Bigarren hiruhilekoan, gizonezkoen artean 55.100 langabetu egon dira, hau da, 2.900 gehiago; eta emakumezkoen artean 300 langabetu gehiago egon da (guztira 39.900).

2010eko bigarren hiruhilekoko datuen arabera aldi horretako langabezia tasa %9,1 izan da, aurreko hiruhilekoan baino 0,2 puntu handiagoa. Gizonen langabezia tasa %9,5 igo da (ehuneko 0,4 puntu gehiago) eta emakumeena ez da aldatu (%8,6an mantendu da). Gazteen langabezia tasa da oraindik altuena (%25,0); aldi honetan, 16-24 urte bitarteko 14.300 gazte aktibo langabezian geratu dira.

Lurralde historikoetan, langabetu kopuruan gehikuntzarik handiena izan duena Bizkaia izan da (+3.800 pertsona); lurralde honetako langabezia tasa %10,1 izan da. Gipuzkoan 25.000 langabetu izan dira; beraz, lurralde honetan 3.300 pertsona gehiago egon da langabezian, tasa hori %7,5ean utziz. Araban, aldiz, aurreko hiruhilekoan baino 3.900 pertsona gutxiago egon da langabezian; lurralde horretako langabezia tasa %8,9 izan da.

EUROSTATen arabera (Europar Batasuneko Estatistika Bulegoa), 2010eko maiatzean 27 kideko Europar Batasunean langabezia tasa %10,0 izan da eta Espainian %19,9.

Azken urtean 14.300 pertsona gehiago egon da langabezian Euskal AEn

Euskal AEn landunen kopurua berreskuratu egin da, 2009ko bigarren hiruhilekoaren aldean: guztira 1.200 landun gehiago izan da (+%0,1). Igoera hori batez ere emakumeen artean eman da; 5.300 enplegu gehiago izan dituzte. Gizon landunen kopuruak, aldiz, behera egin du: 4.100 gutxiago.

Langabezia tasa ehuneko 1,3 puntu gehitu da azken urtean (%7,8tik %9,1era); beraz, 14.300 langabetu gehiago egon da Euskal AEn, 2009ko bigarren hiruhilekoko datuekin alderatuta. Lurraldeka, Gipuzkoan langabezia tasak ehuneko 1,7 puntu egin du gora eta Bizkaian 1,6 puntu; Araban, ordea, langabezia tasak zazpi hamarren egin ditu behera azken hamabi hileetan.

BIZTANLERIA JARDUERAREN ARABERA SAILKATZEKO INKESTA (BJA)

	2010ko 2. hiruhilekoa		Aldakuntza aurreko hiruhilekoaren aldean		Aldakuntza aurreko urteko hiruhileko beraren aldean	
	Milakoak	%	Milakoak	e.p.*	Milakoak	e.p.*
16 URTE ETA GEHIAGOKO BIZTANLERIA	1.865,3		+ 0,7		+ 0,6	
AKTIBOAK / IHARDUERA TASA	1046,0	56,1	+ 11,6	+ 0,6	+ 15,5	+ 0,8
Gizonak	581,0	64,1	+ 5,8	+ 0,6	+ 4,8	+ 0,5
Emakumeak	465,0	48,5	+ 5,8	+ 0,6	+ 10,7	+ 1,1
BIZTANLERIA LANDUNA / ENPLEGU-TASA	951,0	65,3	+ 8,4	+ 0,7	+ 1,2	+ 0,3
Gizonak	525,9	71,5	+ 2,8	+ 0,5	- 4,1	- 0,3
Emakumeak	425,1	59,0	+ 5,5	+ 0,9	+ 5,3	+ 1,0
Araba	145,0	66,0	+ 1,4	+ 0,9	+ 0,2	- 0,2
Bizkaia	495,6	63,7	+ 1,6	+ 0,2	+ 2,3	+ 0,5
Gipuzkoa	310,4	67,8	+ 5,4	+ 1,6	- 1,4	+ 0,6
Nekazaritza	7,8		- 1,3		- 1,6	
Industria	225,5		+ 5,9		+ 1,5	
Eraikuntza	73,3		- 0,8		- 6,6	
Zerbitzuak	644,4		+ 4,6		+ 7,9	
Soldatakoak	787,4		+ 9,2		- 2,8	
- Kontratu mugagabea dutenak	610,4		- 3,9		- 17,2	
- Aldi baterako kontratuarekin eta kontraturik gabe	177,0		+ 13,0		+ 14,4	
Ez soldatakoak	163,6		- 0,8		+ 3,9	
LANGABEAK / LANGABEZI-TASAK	95,0	9,1	+ 3,2	+ 0,2	+ 14,3	+ 1,3
Gizonak	55,1	9,5	+ 2,9	+ 0,4	+ 8,9	+ 1,5
Emakumeak	39,9	8,6	+ 0,3	- 0,0	+ 5,4	+ 1,0
16 - 24	14,3	25,0	+ 0,6	+ 0,2	+ 2,8	+ 4,5
25 - 44	54,4	9,2	- 1,6	- 0,3	+ 2,5	+ 0,5
45 eta gehiago	26,3	6,6	+ 4,2	+ 1,0	+ 9,1	+ 2,1
Araba	14,2	8,9	- 3,9	- 2,3	- 1,2	- 0,7
Bizkaia	55,8	10,1	+ 3,8	+ 0,6	+ 9,8	+ 1,6
Gipuzkoa	25,0	7,5	+ 3,3	+ 0,8	+ 5,8	+ 1,7
EZ-AKTIBOAK						
EZ-AKTIBOTASUN TASA	819,3	43,9	- 10,9	- 0,6	- 14,9	- 0,8
ETXEBIZITZAK	835,9		+ 1,2		- 2,7	
Aktibo 1 edo gehiagoko etxebizitzak	574,9	68,8	+ 3,4		+ 2,5	
- Guztiak okupatuak	494,3	59,1	- 2,1		- 10,2	
- Guztiak langabeak	28,0	3,3	+ 0,1		+ 3,8	
Aktiborik gabeko etxebizitzak	260,9	31,2	- 2,4		- 5,4	

*e.p. = Aldea, ehunekotan

Iturria: EUSTAT. BJA

Argibide gehiago:

Euskal Estatistika Erakundea / Instituto Vasco de Estadística

Donostia-San Sebastian kalea, 1. 01010 Vitoria-Gasteiz

Tel.: +34-945-01 75 00 Faxa: +34-945-01 75 01 Helb. elek.: eustat@eustat.es

Harremanetarako pertsona: M^aJosé Santamaría Gallardo

Tel.: +34-945-01 75 33 Faxa: +34-945-01 75 01

(BJA) Biztanleria jardueraren arabera sailkatzeko intestari buruzko prentsa-ohar gehiago

(BJA) Biztanleria jardueraren arabera sailkatzeko intestari buruzko datu-bankua